

DENDE’L CIELU ABIERTU

De madreñes y abrigau, caminin del monte va, pasu firme y de calláu, ya descansa l'alborá, llimpiando los cunetones pa baxar bien l'agua, va pisando los caminos bien prontu de mañana, p'atender el so ganao que la cuadra llueñeta.

Y al llegar al cielu abiertu, párense-y los pies n'actu reflexu, ponse a mirar al so alreor y entama a llorar al ver la situación.

Dende'l monte nel que ta ve L.lena y tol Caudal, al llau el Valle d'Ayer y el de Turón asomar, alcuérdase los chamizos onde tuvo trabayar ensin ser más qu'unos neños, yera duro de verdá, la Cuenca que taba muerta y sacáronla arriba.

Esta que güei veo nun ye la mesma, nun tien carbón, pesllaron la mina. ¿Ónde ta la mio Cuenca? ¿Ónde ta? La Cuenca morrió. ¿Ónde ta la mio Cuenca? ¿Ónde ta? De pena morrió.

Tol tiempo tuviste baxo los nuestros pies y agora que nun tas ¿ónde vamos dir cayer? Enterrá vivisti igual que güei muerres y aunque munchos quieran vete escaecer, nun lo fadrán porque equí llevamoste dientro'l corazón la xente nes cuenques.